









271
T839
1503
R.B. 17

Σ4


Joh. Trithemius, Insti-
tutio vite sacerdotalis,

1503.

Angsbury, Germany

MS 1626

Tritheim



[Trithemius, Johannes]

**Institutio vite
sacerdotalis.**

327 00000000
0000000000

172186

Thomas Ruscher de gamundia sacrarū litterarū profes-
sor in ecclesia maguntinēsi euangelici verbi indign⁹ pre-
dicator benefamato z katholico sacerdoti Nicolao mer-
nicensi salutē perpetuā ne ante illū a quo omne datū opti-
mum z omne donū perfectū in gracijs ferēdis gelidus videar doctissi-
me nicolae. *Occurrit in primis scriptura. Deutro. xxx. Vitam et*
mortē dedi ante faciē tuam. Gracias habeo quia hodie huic etiā con-
donat: qui ei qui vera est vita adheret. Et dico qui nuper meis tēpori-
bus inspirauit in faciē cuiusdam spiraculū vite noue pro quo gracias
omniū reddo creatori. Et tibi o pater laudate intelligētie tritemij eo qd
non solū tibi ipsi vitā elegisti sed z meā multorumqz vt viuāt. Vitā in-
stituis tuo tam in florido institutionū opusculo: quod mox ad me vsqz
latum esset: nec alijs locū adhibens veluti vite spiraculū egens mētis
affectu animiqz desiderio quousqz introspicerem. Sed quid o laudate
intelligentie pater. Quid per hoc tuū institutionū tam floridū opuscu-
lum in me tibi deditissimo effeceris quidue hoc inter legendum sense-
rim meos coetaneos nec latitare velim. Nam cum ad interiora ipsius
procederem/ita in me floruit vt meas maderet genas. O frater merni-
censis nicolae/ orationi z charitati iūctissime: qz felix qz sancta pro hoc
florido fuit opusculo petitio tua. O xpi sponse vir atqz fili mernicensis.
Nicolae z dei cōfessor/ qz necessaria in hoc que continentur opusculo po-
tissime in his tēpestuosis sunt nūc tēporibus. Ubi fides xpiana notijs
erroribus qui passim seminant z pullulāt lacerat z opprimit necessaria
dico sapra modum. Nam florida sacerdotalis peregrinatio abiecta in-
stitutione omnia vicia ignominiaqz exurgūt. Scio namqz maiorū no-
strorum traditione animā hominis intellectu rerumqz scientiā veluti
esca quadā nutriri: recte eorum animos arbitror qui nullis disciplinis:
nulla morū aut vite institutione eruditi sunt nichilqz bonarū arcium
bauserunt ieiunos z quasi famelicos esse plenos tamē z illorū animos
sed vicijs z nequicia. Eya nicolae scito mihi meisqz per suum velim
coetaneis ad hoc floridū nos ad integrū diuertere opusculū. Nam per
hoc non solū criminis vitare penā/ sed z laudationis possumus graciā
obtinere. Huic enim qui animi odoratū nō accomodat cito dabitur in
ruinā quapropter hoc ipsum ante primā litterarū eius impressurā mi-
hi fructuosum esse non ignoras. Maxime dum per laudate intelligen-
cie patrem z dñm dñm Johannē tritemij. Spanhemensis abbatē nō
minuto sudore p̄gessit compilauit atqz tradit. Qui varia litterarū gra-
cia multo qz ego sum habundantior est: qui vigil ingenio paratus elo-
quio flagrans studio z vtilis pater familias in domo dñi. Qui florido
eius opusculo sancte vite institutionem ministrās/ z me infirmū simul
omnē peritū doctumqz clerū erudit ad cautelā. Que certe vite institu-

tio o frater si nobis deest quis oro viuere nos iudicat. **N**ec eya' **N**icola-
 lae nobis si defuerit digni non sumus **I**n hac namqz ad plenū queque
 nobis adeo sub ministrat **A**t absqz his vita dignus nemo est. **N**am
 si iuxta reuerēdi in dño patris nostri. **T**ritemij floridā institutionem
 que in manu est nosiplos quoad hic viuimus ad integrū statuerimus
 salus nobis vera veraciterqz promittitur que z nullis vnqz auferē qui
 digni vita viuunt. **D**igni itaqz cūcti vt habeāt taliter iuxta in hoc flo-
 rido opusculo traditur vitā instituire necesse habēt qua non moriant
 sed ppetuo ampli' uiuant. **Q**uod dignissime nicolae cōprehendere vt
 possis. **V**ale semper in eo qui vniuersa creauit / et nos qui viribus
 nostris stare nō possumus sua misericordia conseruet amen. **D**ate in
 studio maguntinēsi **A**nno salutis nostre. **M**illesimo quadringentesi.
 mononagesimo quarto mensis octobris **D**ie vero eiusdē. xxij.

Johānis Tritemij abbatis Spanhemēsis
 ordinis dñi patris **B**enedicti: de vita sacerdotū ad nicolaū **M**erni-
 censem presbiterū tractatus exordiū sumit. **C**apitulū primū.

Petis a me nicolae frater amātissime: z crebris epistolis instas vt
 tibi formam in sacerdotio laudabiliter viuendi stilo cōmendem.
Supra vires ingenij me laborare cōpellis: moribusqz emulorū lacerā-
 dum exponis: qui me ex hoc presumptuosum iudicabūt qz viam quam
 ipse nec dum ambulare didici tibi velim demonstrare. **E**t quāqz se res
 ita habeat malo tñ emulationis subire iudiciū: qz charitatis in te mee
 ferre detrimentū **T**anta enim dilectione te semper colui: vt negare tibi
 quippiam postulāti nunqz p̄sueuerim. **C**upiēs itaqz satissacere p̄cibus
 tuis: normā viuendi et scriptis sanctorū tibi cōmendare volui / non qz
 statui tuo prozsus ~~et~~ omni parte sufficiat sed pro qualicunqz principio
 ad honestā conuersationē te si velis inducat **I**n primis itaqz te moneo
 ex diffinitione nominis statū pensare indictē conuersationis. **E**tenim di-
 cimus clerici: quotquot in sortē dñi sumus specialiter electi. **I**nterpre-
 temur itaqz vocabulū nominis / z intelligemus qualitātē precepte ho-
 nestatis. **C**leros etenim grece fors interpretat latine **A**cleros ergo cleri-
 ci in dñi sortē dicunt electi. **S**i nos igit in dei sortē vocatos agnoscim⁹
 cur aduc mūdo militam⁹? **A**d quid in terra morientū hereditatē que-
 rim⁹ qui deū se nobis pollicentē hereditatē expectam⁹? **I**n veteri nā-
 qz testamēto legimus dñm sacerdotibus z leuitis p̄cepisse / ne inter fi-
 lios israhel fratres suos acciperēt hereditatem eo qz ipse hereditas esset
 eorum. **N**unc ergo si esse te clericū existimas debes a ceteris homini-
 bus excellentia conuersationis honestior incedere et mūdi huius peri-

turas diuicias minime amare. Quod si animum tuum seculi hereditati submiseris extra sortē dñi cum insipientibus colloceris. Non enim dignabit te dñs inter electos suos recipere si post aurū abiēs mundū decreueris amare. Turpissima est in sacerdotibus xpī avaricia que seruū dei ministrū facit ydolorum. Nec si animū tuū semel ceperit nunquā sui conpotē amplius dimittit. Nemo enim potest duobus dominis dissentientibus seruire. Non potestis inquit deo seruire et mammonē. Non poteris bonus esse clericus si fueris avarus. Scio autē et longa experientia tecū conuersando didici quoniā natura parcū te genuit cane ne donū gratie ad fomēta cōuertas avaricie. Enimvero qui volūt diuites fieri i hoc seculo frequēter tēptationes incidūt diaboli. Oportet autē ministrū dei segregatū esse a sollicitudine mūdi quia nō potest ad deum ire mens libera si terrenis curis fuerit implicata. Hinc coronas raras portamus in capite quatenus abiectis superfluitatibus libere ad deū ascensum paremus in cogitatione. Crines namqz capitis superfluitates terrene designāt actionis. Et sicut exsuperfluitate humoris crines capitis proueniūt sic ex amore pecunie sollicitudines mundi crescunt. Cum ergo crines capitis in modū corone abradimus mouemur vt ministerio dei applicati omnes curas mundi contēnamus. Sicut autē caput pars est eminētior corporis ita mēs vis sup̄ma rationis. Idcirco autē coronā gestamus in capite vt terrenis curis absoluti ad dei contēplationem liberius eleuemur in mēte. Unde et nos claustrales qui monachi dicimur coronis amplissimis ornati crines pauciores in capite relinquimus vt nos actiue vite mortuos in contēplatione celestium vacare per amplius ostendamus. Attende nūc diffinitionem nominis et cura cōdignis vite meritis sorti respondere superni conditoris. Omni custodia serua cor tuū ne te in profundū avaricie demergat cupiditas ne libidinis ardor animū tuum cū peccatoribus in scenū luxurie de trahat ne superbie fastus te ad inferos sine fine cruciandum secum trahat. Caue ne per huius mundi curas a sorte dei decidas caue ne famā boni nominis perdas caue ne in via contēptorum dei pergas. Ruinas multoz in circuitu sacerdotū cōsidera et de tuo semper periculo simili formida. Nusqz inter mortales securius uiuīt qz si periculū semper timeat. Unde scriptū est Beatus homo qui semper est pauidus qui autē mētis est dure corruet in malū. Enimvero periculū qui timet cauet qui negligit incidit. Oportet ministrū christi sacerdotē dei virum esse non puerū vt sciat et intelligat quale onus susceperit pro cuius administratiōe in districto dei iudicio sit redditurus rationē. Sit ergo prudēs: sobrius: castus: et quietus sit pudicus: benignus: māsuetus: vt qui plebis indocte preceptor cōstituitur nullum de suo conuersatione p̄tenptū paciatur. Sacerdoti est interrogatū respondere de

lege/vicia subditoꝝ per verba sancte predicationis p̃stanter arguere/z
nulla pro veritatis amore aduersa formidare. **O**portet eũ qui sacerdo-
cio in populo dei fungit/virũ doctũ esse in lege diuina vt sciat in tẽpore
noua p̃ferre z vetera / ne inter canes mutos non valẽtes latrare/officiũ
sui perdat dignitatẽ. **T**ũ nunc esto **N**icolae/alioꝝ vicia sedula moni-
tionẽ arguere/z vicijs alienũ te exhibere/ne si viciosus crimina arguas
temetipsum damnandũ reddas. **N**emo enĩ in alio p̃fidenter potest re-
prehẽdere/qnod se p̃scientia teste meminerit cõmisisse. **O**portet ergo
illũ esse irreprehensibilẽ/qui alioꝝ peccata sedet iudicare quia qui in se
p̃mittit quid in alijs arguit/nõ emẽdat sed prouocat. **S**ed multi hodie
sacerdotes hypocritis similes inueniunt qui delinquẽtibus in leuiori-
b⁹ fratrib⁹ irascunt/z sibi nolũt a quoqz indignari. **A**difera humane
fragilitatis p̃ditio/peccatoꝝ peccatoꝝ condẽpnat: z disparẽ fert in parĩ
crimine sententiã. **A**dentioꝝ si nõ multociẽs proximũ suũ de fornicati-
one arguit adulter/pauca in alio vicia p̃dempnat iudex in multis vicio-
sus z vt suã prauitatẽ occultare valeat omniũ delicta manifestat. **C**õtra
quẽ a dñõ dicit **H**ypocrita eijce primũ quẽ gestas trabẽ in oculo p̃prio
z sic festucã videas in alieno. **Q**uid furẽ reprehẽdit sacrileg⁹ viciosum
sceleratus cur arguit? **I**nfructuosa proslus omnis erit correctio quam
vite cõmaculat equalis turpitudō. **A**t igitur careas hypocritarũ op-
probrio/caue alteri⁹ corrector in simili delinquere peccato. **N**unqz fiet
vtilis correctio in subditis/dum is qui p̃est publicis submittit colla
peccatis. **E**nimvero ius correctionis amittitur: quando correctionis
cõuersatio subditoꝝ vicijs inquinat. **S**acerdocij vilescit auctoritas/si
bonestate p̃uersationis publica corrũpit iniquitas. **O**mnis igitur cor-
rectio in suo auctore sumat exordiũ/z sic demũ secura procedat in pub-
licum. **S**uspendat correptionis ad tẽpus sententiã/quẽ in crimine simi-
li p̃scientia propria remordet. **C**orruptus iam est vt plurimũ status cre-
dentiũ/z est sicut populus sic quoqz sacerdos/omnis auaricie studet a
maioꝛe vsqz ad infimũ. **N**e genti peccatrici/que semp ad grauioꝛa pro-
labitur/dum parĩ delicto noxios suos iudices intuet. **A**d tantã nũc mi-
seriam deuenit auctoritas ecclesiastica/vt sacerdotũ verba iubeamur
amplecti nõ facta. **D**icunt enim de semetipsis in felices presbiteri/in-
quinationis sue testimoniũ perhibẽtes. **E**rudicionis nostre verba vos
o xpi fideles attendite/exempla caute. **V**erba confusione sempiter-
na dignissima/que quantũ ex doctrina erudire populũ dei debuerant
tantam ex operibus peruersis scandalisant. **I**ndocti rudes iam sine di-
scretionẽ meriti ad sacerdotiũ veniunt/qui moribus suis pessimis xpi
ones infelicitẽr occidũt. **N**ulla iam in ordinãdis clericis vite sanctitas
reperitur/litterarũ eruditio nulla postulatur/consciẽtie puritas nõ at-
tenditur. **S**ufficit apud eos si currentẽ sortẽ possint cõstruere si cuius

partis oratōis sit dñs respondere si ita z nō intelligere. Ne nostre tempestatis episcopis: qui secularibus negocijs intēti/ordinationes clericorum non pñderant sed curā examinādi imperitis locāt / qz districtā sunt subituri sententiam/qui se totius in ecclesia mali exhibēt causam. Enimvero cum oporteat sacerdotē fideiū doctū esse z sanctum qua temeritate imperiti ad sacerdocium veniunt/qui nec se nec alios gudere possunt. Neqz enim sine doctrina: bona in clerico vita sufficit / neqz doctrina sine vita populuz salubriter erudit. Nam doctrina sine moribus doctores pimit vita sine doctrina inutilē facit Latratu siquidē canum: z baculo pastoris/ z rabies luporū fuganda est. Pastor itaqz ecclesiasticus per vitā bonam ouibus suis exemplū iusticie prebeat/per salutarem doctrinā mētes auditoz pascit/ne si vnum sine altero faciat vel se negligat/vel gregis curā infructuose agat. Deu quid dicam de sacerdotibus nostris indoctis/ z viciosis auaris luxuriosis z pessimis? Pudet me loqui z filere nō valeo. Prospice tibi nicolae charissime ne imitator eorū fias/qui contēptis codicibus scripturarū ludis z potationibus diem totū vacāt/qui se mulierū conmixtionibus maculāt/qui prauis suis moribus/multos in lege dei scādalisant. Esto in populo dei honestatis exemplar in omnibus quantū fieri potest te irreprehensibilem exhibeas/vt omnē de te male suspitiōis occasionē tollas. Oportet enim testimoniū haberi etiā ab his qui foris sunt qua predicantis sermo facile cōtempnitur/cuius vita malis suspitiōibus in populo notatur. Te ipsum itaqz bonorū operum clericorū exhibeas/quatenus populum dei nō minus exemplo qz sermone informare queas. Quod vt salubriter possis perficere/p̄sorca indisciplinatorū cura declinare/quia vir sine reprehensione viuere sufficit/qui malorū p̄sorca nō fugit. Dicit enim scriptura Cum sancto sanctus eris/ z cū peruerso peruerteris. Et iterum Qui tāgit picē/inquinabit ab ea. Nusquisqz propositi sui delectatur habere consortes. Si igit bonus es/bonorū ama cōsortium. Nam si pedē tuum a puentu malignantiū nō prohibueris: subditorū detractionibus omni tēpore subiacebis. Facile decipit iuuenilis amicus cōsortio peruersorū. Iuuenis es/ z in vtrāqz partē flexibilis. Idcirco summa cum diligentia inuigilandū est/ne indisciplinatorū cōsortio depraueris. Nichil enim sic iuuenibus nocet/quemadmodū praua exempla seniorū. Quanto vero iunior es/tanto tibi maiori sollicitudine curandū est/vt vitam tuā in sinceritate timoris dñi custodias. Scriptum est enim Adolescens iuxta viam suam gradit etiam cum senuerit nō recedet ab ea. Quod iuuenis didiceris/in senectute practicabis. zc.

De fugiēdo p̄sortio mulierū. Capitulū secundū.

O E feminarū aut familiaritate. (que sacerdotibus dei puiciofissi-
ma est) quid dicam: cū decreta sanctorū patrū hanc illis districta
satis prohibitionē interdicāt. Si tibi beatissimi patris hieronimi mo-
nita prescripsero illico exclamabis Domū gubernare sine ministerio
famule non valeo / cibos michi metip̄i parare nō sufficio / mundare ve-
stes sordidas nolo Quid inquis michi p̄cepta hieronimi allegas: que
non ligant nisi valentē? Quis hieronimū legiflatorem meum p̄stituit
Sacrosācta inquā ecclesia vniuersalis dicta illius approbat Inter ca-
nones p̄cepta eius de hac materia lata locat / et tu contra tantā aucto-
ritatem mutire presumis? Sed dices Legē hanc abrogauit p̄suetudo
contraria / que pro iure ex multo tēpore est habēda Sed mentis iniqui-
tas sibi / et stulta cōsideratione in semetipsa decipit. Consuetudo bonis
moribus p̄traria / nunq̄ legem aut tollere aut cōstituere potest Et quid
tam contrarium honestati sacerdotali q̄ adolescentularū contubernio
delectari? Periclitat castitas / vbi inter mulierculas sacerdotū trāsit
societas Prima enim et fortissima clericorū temptamenta / ex frequēti
accessu mulierū proueniunt Multos prostrauit stulta presumptio / qui
manibus (vt ita dixerim) instrumenta victorie hostibus tradiderunt
Difficillime vitatur periculū / si occasio non vitetur Enimvero dū fe-
mina morat cum clerico / solaq̄ residet cū solo cibos comedēti preparat
lectulumq̄ dormienti cōponit / alloquit̄ arridet fomenta libidinis ad-
ministrat Quantūlibet sancta sit femina / semper clerico est timenda.
Nam sicut scintille de carbonibus prosiliunt / ita virus concupiscencie
ex mulierum assidua familiaritate diffundit Janua diaboli / porta in-
ferni vis iniquitatis scorpionisq̄ dira percussio / et nociuū genus fallen-
di / viro casto familiaris est femina Cum proximat stimulat / cū loquitur
incendit / cū tangit vehemēter exurit Non damnamus sexum / sed ca-
stitatis denuntiamus periculū Legimus sanctū augustinum tantope
fugisse feminas / vt domū suam episcopālē / nec sororem propriam ingredi
permitteret Nouimus et nos q̄ plures sacerdotes / qui et domū et ple-
bem sibi cōmissam sine ministerio famule multis annis innocue gu-
bernarunt Neq̄ enim tibi difficile erit imitari / quod alios conspicias
actitasse. Caue itaq̄: et cōsortio adolescentularū ne appropies / cū etiam
inter anus caste viuere difficile sit Admēto cū quo loquaris in altari
et os diuinis ministerijs consecratū / ne effundas in oscula meretricū
Turpissimū est manibus sancte unctionis oleo cōsecratis: quibus dei
filius tenetur et immolat / tactibus pollutis contingere mulierem Ne
dederis maculam glorie tue / et nomē tuū cūctis in opprobriū Te cūcti
in publico / te in agro rustici aratores / et vinitores / quottidie fortiter la-
cerabūt / si cū feminis (maxime iunioribus) iuuenis ipse habitare pre-
sumpseris Eris in prouerbiū et derisum omni populo / si iuencularum

Domicilia frequēter fueris ingressus. Contra hostem tuum inuisibilē:
qui latus tuū semp infidiādo circūolat/omni tpe vigila/et iuxta naso-
nem/maloz principijs obsta/quādo adhuc infirmiora sunt tēptamen-
ta. Nam sicut videmus postea q̄ clericus semel corpus suum amplexi-
bus meretricū exhibuerit/raro vel nunq̄ ad perfectā emēdationem
redit. Omnis enim qui peruerso amore verant quāto diutius in sceno
luxurie iacuerint/tanto difficilīus ad sanitatē mētis reuertunt. Sigit
in corde humano radices viciū fortiter inueteratum. Quot hodie sa-
cerdotes in dei ecclesia sunt/qui in pfundū luxurie submersi longani-
mitatem dei p̄tempnunt:sicut scriptū est Impius cū venerit in pfun-
dum maloz contēnit. Multi sunt nō dubiū inter clericos libidine sor-
didatos:qui cū a principio sue promotionis caste viuere p̄posuerunt/ex
negligēti sensuū custodia decepti/nunc sine omni timore dei/quasi licē-
ter ex cōsuetudine meretricibus p̄miscēt. Nichil peccati cōsuetudi-
ne deterius:qua fit/vt crimina grauissima velut minima estimēt. For-
tissimū peccati vinculū est consuetudo peccādi/que tēpore crescit z mo-
ra viriū sumit incremēta. Optime igī aduersus incēdia carnis cōsu-
luit qui in carmine dixit Principijs obsta sero medicina paratur/duz
mala per longas/cōualuere moras. Sed propera:nec te vēturas differ
in horas qui non est hodie/cras minus aptus erit. Non tardes puer-
ti ad dñm ait scriptura nec differas de die in diem/quoniā quāto peni-
tentiā diutius distuleris/tāto miuus aptus ad penitendū eris. Ascē-
de nunc mentis tue speculā/z vide stultoz insaniā sacerdotū/qui a vili-
bus cōcubinis ducunt captiui/vt non quecunq̄ volunt illa faciant sed
que sibi a scortis precipiunt. Videres interea stolidū clericū assidere
cōcubine sue/z aperto illam ore intuentē z si arriserit ei ridet / si fuerit
indignata blandit ei/donec reconciliet in gratiā. Captiuus ducit per
feminam infelix sacerdos/z qui alios regere debuerat / ancille sue do-
minio superat. Quis crederet quātos inter hec miser gemit⁹ emit-
tat/quociēs hoc durissimū archidiaboli iugū abijcere cogitet/quaes
in corde suo dolores portet. Interdū deniq̄ tanta cōtra bestiam suam
displicentia tangit vt eam a se repellere castino meditet. Interea dat
verba contumeliosa z recipit demūq̄ post verba venit ad verbera/p-
cutit z repercutit maledicit z blasphemat. Stupendū spectaculū/ca-
put sacerdotis quod p̄tingere nō licet principi/manus meretricis lace-
rant percutiunt z p̄tundunt. Demū post maledicta et verbera ad fle-
tum se femina vertit lachrymas diabolo infundente emittit / quousq̄
tandē ad misericordiā captiuum in felicē reuocet/sibi q̄ placabilē red-
dat. Cernerēs nunc mutatum subito clericum / z lachrymis abre sue a-
deo cōmotum/vt qui iniuriā susceperat prior veniā deprecet. Ascen-
sa debinc apponit p̄uiuium instaurat/verbis miscēt suspiria nouarū

comercia tractant nuptiarum. Sedet inter hec stolidus sacerdos/de pa-
tientia et mansuetudine disputans/se in amicam deliquisse suspirat/ad eius
gratiam recuperandam totis viribus laborat. Quid post renouatam gerat
amiciciam tibi cogitare potius licebit quam mihi loqui. Non est timor dei
ante oculos sacerdotis/vinculis scubine ligati/de penis inferni pauor
nullus/nulla sacerdotalis cogitatio dignitas/nulla memoria publice ho-
nestatis Adeo viciu hoc incontinentie in clero iam preualuit vt quasi
ceperit esse licitum quia publicum est miseranda generis humani conditio
qui aliorum scelera debuerant emendare: grauiora committunt. Sedent
prochpudor in villis et vrbibus publice sacerdotes/concubinarum sua-
rum commixtione diffamati/quorum tantus hodie inuenitur numerus/vt si
presul aliquis in sola sua diocesi tales voluerit corrigere/sola multitu-
dine victus a proposito terret. Si cuiuspiam ex talibus domum ingrede-
reris/offenderes aliquoties sacerdotem suum infantulum/fornicationis
paterne testem brachijs baiulantem et inter legendum horas canonicas
plorantem/consolari verbis et canticis. Videres quoque surgentem de lecto
patrem infaustum natum excipere genibus/osculisque porrectis/illum in dex-
tro genu locatum/in sinistro breuiarium. Inter orandum ridenti infantulo ar-
ridet ploranti blandit/crebris tacentem verbis affat et nutibus. Interea
blanda mater occurrit/de manu patris dulce pignus codicem rapit/folia
tractat:lacerat:fluentibusque ex ore saluvis genitoris permissu comaculat
Nulla inter hec oranti deuotio nulla verbis adhibetur intentio:sed om-
nis sollicitudo in consolatione plorantis consumitur. Cadunt verba ex ore
orantis confusa crebrisque infantuli osculis interrupta adeo vt oratione
completa vix se meminerit orasse. Interea nolam trahit edituus/ad sa-
crificandum altare componit a populo in ecclesia heros expectatur. Ac-
currit lotis manibus in lotione pueri sacerdos/vestes sacratas quanta
potest festinatione induit/sacrificium dei distracta mente consumit. O con-
scientia vbi interim manes:et vbi contempta iaces? O tu miser:qui dei fi-
lium pollutis manibus contrectas quousque animam tuam vlneras laceras
et interimis? Qua denique temeritate accedis ad altare corpore et animo
pollutus? Nisi dei omnipotentis magna miseratio ad tempus tibi parce-
ret te in altari angeli prouocati/indigatione graui percuterent. Vbi est
votum castitatis perpetue quod in manus episcopi (cum te ordinaret)
promisisti? Vbi est sacerdotij tui assumpti reuerentia? Deccasti:quare
non agis penitentiam? Quousque longanimitatem dei contempnis? An ig-
noras:quod patientia dei ad penitentiam te adducit? Tu autem secundum duri-
ciam tuam et cor impenitens:thesaurizas tibi iram in die ire/et iusti iudicii
ihesu christi. Puto quidem in futurum penitere cogitas/sed quod sit proxima
penitentiae amputatrix mors minime penses. Enimvero misericors deus
qui veniam hoc penitenti promisit/differenti diem crastinum non spon-

dit. Clericum aut quē femina cohabitans semel captiuū abduxerit/nisi
q̄z aut raro liberū/nisi morte interueniēte dimittit. Transeo quod mul-
ti concubinarū suarū dolis z maleficijs / vsqz adeo plerunqz demen-
tantur/vt se ab illarum turpissimo amore nequaquā possint excutere
Horret auditus facinora meretricum nec pudicie sinceritas audire
patitur qualia per sacerdotū cōcubinas quandeqz perpetrant. Et ka-
tamenio pulmentū dñis suis conficiūt/et dum eos ad amorē suū cu-
piunt allicere in colicam et insaniam cōuertūt. Horrendis maleficijs
et superstitionibus suis cōcupiscentijs sacerdotes implicāt / donec ex-
haustis paulatim viribus/eos penitus inutiles reddāt. Beatus ho-
mo quē deus a muliere mala z luxuriosa custodiuit. Non est iniquitas
super malicia mulieris/que malis amoribus fruit. Quicquid excogi-
tat/temptat quicquid potest audet. Nemo credit quibus studijs vijs z
adinventionibus vtitur vt eum quē decipere cogitat/suis voluptatib⁹
indissolubili vinculo p̄sternat. Ad vota se dño suo coniungit non quia
diligit:sed quia cupit. Concubinarū etenim turba predā sequit non sa-
cerdotem. Quousqz diues est omnibus abundat latus dñi nō deserit/
si autem pane indigere ceperit/cōcubina ad alium se cōuertit. Interdū
vero natorum intuitu/sacerdos z cōcubina vsqz adeo cōglutinati sunt/
vt separari ab inuicē (nisi per mortē) nulla ratione possint. Fieri etiam
solet/vt prebenda suas nonnulli malint dimittere/qz cōcubinas. Quid
primo preceptorū tuo contigerit non ignoras? Is seuo meretricis il-
lius amore quā nouisti miserrime seductus/cū propter metū viri coha-
bitare ei publice nō auderet/patriā domū cognatos/ ac que habebat
beneficia cōtemnens/vt illa frui libere posset/cum ea clam fugiens dis-
cessit. Et nemo quo abierit/vsqz in hodiernū diem nouit. Scio quen-
dam ex concubinarijs sacerdotē/quē cum pro suo peccato inter me et
ipsum aliquando increparem/ad hoc finaliter induxi/vt continentiam
deinceps perpetuam in manus meas vellet promittere Cumqz vgerē
vt mox concubinā eijceret/respōdebat. Non possum. Quare inquam
Si eam inquit abicerē quis infantulorū meorū curam gereret? Habe-
bat enim ex ea iam duos pueros. Pauper aiebat pro mercede locare
illos non valeo. Matrem itaqz donec infantuli crescant nō eijciam / ne
reus sanguinis fiam. Castus tamen ero cū casta nec vlla deinceps con-
mixtione illi sociabor. Et quid facies inquam: si prius q̄ isti creuerint:
alij in locū eorum surrexerint? Iurauit se id velle cauere ne fieret. Non
emendabis niquio culpam nisi eieceris cōcubinā. Difficile est assueta
relinquere/z a pristinis vicijs presente occasione abstinere. Nemo ser-
pentem fouebit in sinu illeclus. Abijt homo in domū suā/et domestica
scelera usqz in hunc diem non deseruit. Consideraui opera dei: quoniā
quem ille despererit nemo potest emēdare. Adeo difficile est sacerdotē

semel in fornicatione lapsum/ad castitatem veram posse resurgere: ut ex
omnibus unum vir queas inuenire. Nam iuxta scripturam. Qui facit
peccatum/seruus est peccati. Et qui turpi amore semel subiicit/vir vn-
quam ex toto liberat. Facilius enim fornicatio fugit/quam emendetur. Idcirco
moneo te et obtestor/ut consortia mulierum fugias/ne famam boni nomi-
nis perdas. Semel quippe infamatus de fornicatione presbiter/am-
missum nunquam recuperabit honorem. Sed et colloquia feminarum deuota
crebras in foro salutaciones declina/quia per leuia verba venit ad pessima
facta. Multos enim decepit incauta feminarum allocutio: Omni tem-
pore vigilans esto/nec tibi metipsi unquam confidendum duxeris/quam diu in
carne viuis. Complures enim in senectute lapsos agnouimus qui sibi
de victoria preterita securi videbantur. Nunquam etenim deest homini
temptatio/quousque in hac vita conuersatur. Si vero curam domesticam
sine ministerio famule agere non vales/vetula de tua cognatione probam
assumito/de cuius cohabitatione nulla in populo suspicio oriri possit.
Veruntamen hoc ante omnia caueas/ne in famulam maritatem sumas.
Quos enim deus coniunxit/homo non separet. Non caret suspitione
mali/cohabitatio proximi viri alieni. Volo te quod fieri potest testimonium
bonum habere ab omnibus. Reddat te aliena pericula cautum et
ubi multos cecidisse conspicias/ne incautus ambulare velis: Admemento
quot fortissimi sapientissimi que viri ab origine mundi/usque in hunc diem
per mulierum consortia perierunt. Adam prothoplastum femina decepit/et
eo supplantato nos omnes interfecit. A principio conditi orbis/per mu-
lieres filii dei peccauerunt/et suis sceleribus cathaclismum super vniuersum
mundum induxerunt. Exeuntes quoque de egipto filios israel/mulieres
alilophilorum prostauerunt in deserto. Quid ista recensemus/cum omnium
hominum fortissimum sampson vilis meretricula captum suis amoribus/
tradiderit in mortem et opprobrium? Nemo de sua fortitudine presumat/
nemo de pristina castitate confidat/quonia sepe qui hodie fortiter stare
cernitur cras in profundum fornicationis cadere videtur. Sapientissimus
salomon dolos mulierum cauere non potuit quis modo tutus erit? Ca-
dit gladio mulierum fortis et sapiens et nos fragiles insipientesque de se-
curitate presumimus? Dicit enim qui cecidit. Melior est iniquitas viri
quam mulier benefaciens. Tutius est cohabitare viro iniquo/quam femine
bone. Aduersarius enim castitatis diabolus/nunquam cessat casto viro
insidias ponere/si materiam decipiendi poterit inuenire. Astutus cum sit
nouit ad tempus dissimulare donec tandem in una hora omnem laborem
et premium transacte continentie possit euertere. Ingerit se paulatim
amantibus/et sub specie charitatis christianae dulcia de virtutibus et vicijs
verba seminat/quousque in laqueum criminis incautos trahat. Nam fa-
miliarius deinceps loqui incipiunt secretiora sua queque alterutrum ape-

riunt/contingere se manibus paulatim assuescūt. Demum per mutu-
os risus futura parantur cōnubia/et dum ex cōsuetudine familiariter
viuunt/in foueam diaboli subito cadunt. Postea vero q̄ semel in mu-
tuos reatus ceciderint/videt sibi factū aliquantulum abhorre/ sed a-
cepto non facile possunt recedere. Pergūt igit̃ via quā ceperāt/z quā-
q̄ in principio p̄sciencia delectante scelus abhorreat tamē cōsuetu-
dine paulatim id leuius portat. Et primū quidē cum quodam verēcū-
do timore lasciuire incipiunt/sed deinceps praua p̄suetudine obcecati
amplius nō erubescunt. Venter interea secreti conscius incipit tumef-
cere/z scelus quod latuerat in publicum p̄palare. Nasci postremo in-
fantulus ad breue tēpus/pater z mater erubescunt/z statim ad cōsuetā
crimina reuertunt. Jam vero deinceps omnis verēcūdia procul abiici-
tur/conscientie oculus obcecat/timor dei z inferni a memoria penitus
repellitur. Viuunt iam licenter in peccatis diabolico glutino cōiuncti
viuunt corā hominibus diffamati/viuunt a deo alieni. In desperatio-
nem mox crimen inueteratū vertit̃ penitētie remediū deridet longani-
mitas paciētie dei contempnit̃. Interea sacerdos vsq̄ eo libidini ser-
uus efficitur: vt sine cōcubina viuere non sibi posse videatur. Potest
quidem emendare peccatū sed rennuīt/quia se vinculis luxurie inuolu-
tum delectabiliter sentit/propositū penitentie in futurū sibi pollicetur
assumere/vitā suā promittit emendare. Sed dū inter tot crimina vo-
luntatem penitēdi procrastinat z tēpus z posse pariter amittit. Vinc-
it/vt sani sacerdotes cōcubinarij ad remedia penitentie salutaris raro
veniant: quia vitam suā adhuc diu plangari sperāt. Intantū quippe
nonnulli diabolicis dementant̃ illecebris / vt nichil aliud q̄ carnalia
cogitare valeant/nichil de futura retributione curent. Plus diligunt
sceleratā concubinā q̄ felicitatē eternā. Quam putas hij penitentiā
agunt in extremis quando nō volūtate sed necessitate vrgentur? Qui
omne tempus vite sue in luxuria p̄sumpserunt/in extremis vite sue ar-
ticulis verā penitentiā raro cōsequuntur. Nam et si taliū sera penitē-
tia (deo miserante) aliquādo vera sit/non tamen sine grauissimis pur-
gatorij tormentis/ad regnū celozū poterūt peruenire. Deniq̄ si reue-
lationibus credendū est/maxima apud inferos clericozū multitudo/in-
estimabiles propter viciū incontinentie penas/ineternum duraturas
patitur. Aides quozum in cauta mulierū familiaritas clericū pertra-
hat quem eternis cruciatibus inferni damnat. Principijs itaq̄ ten-
tationum obistendū est quia luxuria nunq̄ melius vincitur/q̄ si per
fugam decline. Nam si per cōsuetudinē te semel inuoluerit/nunq̄ sine
speciali gratia dei liberū dimittit. Si nostris verbis adhibere fidem
dubitas: exempla seniorū legas. Sed non est opus in libris exēpla que-
rere: cū possis ad oculū documēta inuenire. Ecce multos hodie senes

sacerdotes nonimus: quorū esse vitam incontinentē scimus. Videmus
in eis etatem senescere: et iuuentutis vicia misericordie deferere. Cumq;
ad ultimā senectutē venerint/mores prauos nō dimittūt/sed quales ab
inicio semper fuerūt: tales quoq; ad mortē vadunt. Cernerēs inter eos
sacerdotes iam decrepitos/adeo luxurie venenū imbibisse/vt cum pre-
senectute amplius opere lasciuire nequeant/cogitatione verbo ac mu-
tibus ad cōsuetā inardescant. De qualibus per prophetam dñs dicit.
Si ethiops potest mutare pellem suam/z pard⁹ varietatē suam/et vos
poteritis benefacere/ cum didiceritis male. Cessare autē in senibus fe-
minarū potest cōcubitus/sed manet vt olim desiderii actionis. Qua-
lem te igitur senem esse debueras talis nec quoq; iuuenis viuas. Dif-
ficile namq; est senem mores suos corrigere/z in veteri mente noua co-
gitare. Enimuero senectus mores habet/non accipit. Qui cū femina
iuuenis lasciuuit/senex insanit. Bonū itaq; est homini/cū portauerit iu-
gum domini ab adolescentia sua quoniā si malus in iuuentute quis exti-
tit/raro in senectute bonus erit.

De remedio p̄tra Luxuriam.

Capitulum tertium

Qnsueuere medici primū egrotis grauitatē morbi subtili dispu-
tatione ostendere/et tunc demū remedij opem adhibere. Cogni-
ta enim grauitate egritudinis/minus terret amaritudo potionis. Id
ego tecū factur⁹ / primū quidem periculum feminee cohabitationis/
tibi multimoda demonstratiōe aperui/z quis sit finis hui⁹ morbi quā-
tum licuit declarauī. Consequēs igitur nūc est/vt de remedio cogitem⁹
Caro enim semper p̄cupiscit aduersus spiritū/z nisi exercitio salubri re-
frenetur/z se et illum in profundū damnationis precipitat. Hinc probe
admonet poeta dicens. *O*cia si tollas/periere cupidinis arcus contēp-
teq; iacent/z sine luce faces. Sancta etenim scriptura perhibet quoni-
am in desiderijs est omnis ociosus. *O*portet igit eum qui viciū libidi-
nis cupit extinguere se in aliquo sancto opere iugiter exercere. *O*ciosi-
tas quippe inimica est anime. Hinc beatus hieronimus quendam ad-
monet dicens. Semper aliquid boni facito vt te diabolus inueniat oc-
cupatū. *O*ptimū quippe remediū contra malos cogitationes est ope-
ris sancti alicuius occupatio. Eniuero dū animus circa aliquod bonū
exercitiū delectabiliter intentus est aliunde non cogitat. Non patebit
accessus diabolo/si mens fuerit occupata in aliquo exercitio. Exemplū
sume in sancto dauid/qui occupatus bellicis rebus luxuriā domuit oci-
osus in domo cōsistens adulteriū cōmisit. Dum manus vacat ab ope-
re mens languet in cogitatione. Si ergo cupis libidinē vincere/ocium

fuge. Quibus autē exercitijs tēpus accomodare debeas/paucis si pla-
cet accipito. Mane asueſtas ante lucem de ſomno exurgere/et orationi-
bus tam canonicis quā votiuīs aliquantulū vacare. Cumq; penſum
ſeruitutis tue orando deuote cōpleueris/lectionibus ſacris deinceps
vacabis donec te ad miſſam celebrandā.ex officio vocatum intelligis.
Poſt miſſam orationibus denuo vacandū eſt/et ſacris meditationibus
q̄z deuotiſſime inſiſtendū. Deniq; manib⁹ laborandū domus curāda
negocia et ſi quā p neceſſitate fuerint ordināda cū dei timore diſponant.
Opus aut manuale ſacerdotis eſt ſcribere/codices a ſe vel ab alijs de-
ſcriptos impriſſo ſue ligare ceteriſq; honeſtis laborib⁹ pro ſua pditione
vel neceſſitate inſiſtere. Deniq; ſumpto cibo laudes deo referēde ſunt
qui nos hic paſcit in terris/iterūq; orandū/ut poſt hāc vitam ſine fine
paſcat in celis. His rite cōpletis nō dico ad fabulas eundū ē ſed ſacris
litteris denuo vacandū. Deniq; manib⁹ operandū erit uſq; ad vespē-
ram que vltra quartā hominē nō extendat in opere manuali. Cū vero
iam inclinatio die dormiendū eſt prius ad deuotiſſimas oratiōes recre-
atur. Quib⁹ expletis actū tuorū per diē rationē cōſtituas:et de negli-
genti puerſatione tua te reū coram deo clamans veniā et indulgentiam
expoſtules. Nā ſi teipſum iudicaueſ a deo abſolueris. Et niſi in timo-
re dñi te pſtanter tenueris:cito ſubuerſet domus pſcientie tue. Quod
ſi in aliquo delicto preoccupatus fueris:mox ad lamentū penitentie re-
curras talemq; ſi fieri poteſt confeſſorē eligit:quē et ſcientia ſcriptura-
rum idoneum cōprobet:et puerſatio cōmendet. Raro enim pſitentib⁹
viam ſalutis in veritate aperit:qui puerſatione reprobe viuunt. Quod ſi
tēptationes carnis inimico ſuggerēte in anima ſentire ceperis noli eas
per moram roborare:ſed per orationes et ſancta exercitia quātocius ex-
pellere. Lubricus eſt ſerpens libidinis et niſi in capite nō facile pterit.
Dum adhuc infirmus eſt aduerſarius facile ſuperat. Nec te ſi viceris
aliquādo ſecurū exiſtumes:quia non eſt cōpleta victoria:vbī quottidia-
na geritur pugna. Quam diu ergo potes ſubici:nō credas te viciffe.
Noli in tua fortitudine cōfidere/noli tibi victoriam arrogare:ſed ſpem
tuam in ſolius dei adiutorio ſcito pſiſtere. Nemo enī caſtus virib⁹ ſuis
Gratia enim dei adiuta carnem vincit bona volūtas. Oportet autem
contra temptationes carnis ſine intermiſſione orare ad dñm et dicere.
Conſige timore tuo carnes meas/a iudicijs enim tuis timui:noli ama-
re delicias huius mūdi que te cito euaneſcere faciēt et ardore libidinis
facile incendēt. In victu tuo caueat ſupfluitas:nec ciborū varietas ap-
petitū moueat ſed fames. Non apponant incentina libidinum:ſed que
corpus alant nō incendāt. Vinū in quo eſt luxuria ſemp ſit tibi ſuſpe-
ctum:ne duplici ardore incēdaris potus videlicet et iuuetutis. Ignes
luxurie fouet in gremio:qui aſſiduo vtitur vino. Verendoz. Hoc de-

nudacio ⁊ incestus Loth te vinus semper timere admoneat. Ebrietas enim vini hominis sepultura est / que sensus destruit / rationem extinguit / mentē ligat / consciētiam vuluerat / sanitatē corporis minuit / animā occidit. Scaturigo malorum ebrietas carnem ad luxuriam excitat pessimis cogitationibus cor inquinat / in turpissima verba linguam laxat. Hieronimi sacratissimi verbum est. Repletus venter facile spumat in libidinem. Sit igit viro casto moderata refectio / sit potus parcus et tenuis / sit sermo pudicus. Caueat familiaritatē mulierum / sensus suos omni custodia dirigat / ne in foueā libidinis cadat. Quotiescumq; cogitatio turpis mentē pulsare ceperit / memoriā dominice passionis subeat / cogitatū suum in vulnera iesu christi ponat. Scriptū nāq; est. Beatus qui tenebit ⁊ allidet paruulos suos ad petrā. Petra aut inquit amplius erat xps. Recordatio etenim dominice passionis / omnium tēptationum efficacissimū remediū est. Enimvero quē xpi passio non emollit: nulla exercitatio curabit. Ador ergo vt carnis libido spiritum oppugnare ceperit / leuet manus suas ad celū cultor castitatis et dicat. Domine ihesu christe amator casti cōsiliij / tu scis vires meas ad resistendū exiguas / adiūua infirmitatē meam per amaram passionē tuam. Credo in domino quoniā si orans cum deuotione persisterit / victoriam aduersus carnem facile impetrabit. Volo aut te frater amantissime / non solum facta / sed et verba turpia declinare. Corrupti enī mores bonos colloquia praua. Neq; illos: mitari velis / qui turpiloquijs vacantes castos se corde existimant. Et habundantia etenim cordis os loquitur. Vanus sermo: vani cordis indicium est. Qualis vnusquisq; apat se lateat: prolatus sermo probat. Sunt nonnulli et quidem multi sacerdotes / qui lasciuis moribus suis sinceritatē conscientiarum violant quāq; ad actum libidinis corporaliter non accedant. Sedent cū feminis loquētes turpia / tact⁹ pruriētes cōmiscunt ⁊ oscula: et inter hec se castos esse glorianant. Et vbi manet sermo dominicus: qui videt mulierem ad concupiscendum eam iam mechatus est eam in corde suo. Si viro casto mulierem videre ad concupiscendū non licet quāto minus impudice cōtingere osculari ⁊ contrectare manibus. Dicit nāq; amplius Ab omni specie mala abstinete vos / sicut decet scōs. An tibi non videtur mali species: inter homines sedere castos: et iuencularum osculis tactibusq; insanire? Mentiar si non vidi sacerdotes: et maioris dignitatis prelatos totum in nauibus diem obscenis cōsumere tactibus ⁊ osculis seminarū nullamq; dignitatis sue reuerentiā habuisse. Interne libidinis indicium est / dum verba quis turpia loqui cōsuevit / et iungere tactus. Inter hec ne castitas mentis illesa manebit. Tu aut nicolae charissime: si dignum te deo ministrū exhibere desideras / si libidinis durissimū iugum euadere optas / nō solum a factis / sed

etiam a verbis turpibus et mulierum te tactu abstineas. Impossibile est non vulnerari mentem: dum osculo et manu lasciuiens contingis mulierem. Memeto nouissima tua monet sapiens: et in eternum non peccabis. Nihil enim adeo cohibet a peccato hominem quam intempera memoria mortis.

De lectione et studio scripturarum. Caplm quartu.

Scio et expertus sum quod efficacissimum contra omnes tentationes remedium est et studium et lectio scripturarum. Dicit enim beatus Hieronimus Ama scientiam scripturarum et carnis vicia non amabis. Sola enim scriptura est que nobis celeste promittit in tribulatione remedium. Quid de superna patria scire vel credere poterimus si scripturas non haberemus. Dicit namque amplius. Omnis scriptura diuinitus inspirata est ut per patientiam et consolationem scripturarum spem habeamus. Idcirco moneo te/ut studium sanctarum scripturarum assumas in huius peregrinationis solacium quoniam si in lectione earum fueris assiduus facile mundum contemnes cum vniuersis vanitatibus eius. Nihil enim sic mentes a sollicitudine vana ad superna eleuat/nihil sic carnis incendia sedat/quam sedulitas sacre lectionis. Denique officio tuo studium maxime congruit dicente malachia. Labia sacerdotis custodiunt scientiam: et legem requirunt ex ore eius quia nuntius domini exercituum est. Nam sicut paulo ante diximus oportet sacerdotem christi doctum esse in lege diuina: ut sciat et sit unde proferat sermonem. Qui enim suscepit animas regere pro quibus summo iudici deo rationem redditurus est necesse habet multa legere et intelligere. Eniuero sicut dixit magnus ille grecorizans nazanzenus/et post eum papa Romanus Ars artium est regimen animarum. Qui autem nichil in scripturis sanctis didicit quid alios docebit? Aut quam in predicando sacerdos utilitatem auditoribus suis afferre poterit: qui scripturas nescit. Ne nunc temporibus nostris: in quibus est sicut populus sic sacerdos. Studium scripturarum sacerdotes nostri abijciunt: eruditionem negligunt pro libris scripturarum aues et canes enutriunt. Viderint episcopi qui tales idiotas et inscios ad sacerdotum dignitatem promouent qui imperitis pastoribus curam ouium christi commendant. Recede de consortio eorum qui scientiam abijciunt qui lectionem scripturarum negligunt qui studium contemnunt. Nihil aliud quam mundanum sapiunt/nihil quam vanum diligunt/nihil nisi carnale intelligunt. Cito subuertent te: si in conuentum eorum frequenter transferis. Sedent in insidijs cum potatoribus in tabernis: ludis et comestationibus vacant non est timor dei ante oculos eorum. Trascunt: si quis

eorum eis loqui de scripturis ceperit: audire lectionem dedignantur
ad fabulas autem conuertuntur. Quid tibi et illis? Nonne sacerdotes
sunt sed puerfatione asini? Nihil penitus de scripturis intelligunt qui
discere contemnunt. Romana lingua scribere vel loqui nesciunt: vir
in vulgari exponere euangelia didicerunt. Quantos errores fabulas
et hereses in ecclesia predicando populis enuntient: quis nisi exper-
tus credere posset? Pro libris sibi liberos comparant pro studio con-
cubinas amant. Isti sunt ceci duces cecorum qui populum dei ad iustiti-
am non erudiunt sed potius seducunt. Quot pauperes christiani in
rure habitant qui ob ignorantiam suorum sacerdotum: quid christianum deceat
ignorant? Inter hec nemo est qui animaduertat nemo qui periculum
animarum doleat: nemo qui remedium apponat. Omnes que terrena
sunt sapiunt omnes sua querunt omnes ad lucra currunt. Sed quid ista
ad nos? Unusquisque suo domino stat aut cadit. Et quamuis ad me non
pertineat ista corrigere: non possum tamen non dolere videns omne ma-
lum in ecclesia ex ignorantia sacerdotum procedere. Quis enim non do-
leat illos mandata nescire: qui constituti sunt alios instruere? Ecce nulla
in ordinandis sacerdotibus scientia queritur: non vocati accedere per-
mittuntur nunquam vita ordinandorum ut in primis oportuerat discutitur:
Propterea populus christianus funibus peccatorum captivus adducitur
ardor charitatis extinguatur concordia fraterne dilectionis violatur.
Sacerdotes nostri mundanis cupiditatibus effluunt qui corrigere vici-
osos non presumunt quia se deliquisse in maioribus agnoscunt. Pau-
ci etenim sunt qui moribus sanctis in ecclesia nunc fulgeant pauci sci-
entiam scripturarum amant pauci commissum sibi gregem verbo et exemplo
debite informant: Nec mirum si minores vacent a studio scripturarum
cum inter prelatos paucos inuenias: qui veterum exemplis inhereant
Eliguntur enim ut plurimum non doctores sed ad congregandas di-
uicias perituras auidiores. Codices scripturarum aut nullos habent
aut paucos: quippe qui odio scientiam persequuntur. Nihil adeo ecclesia-
sticam dignitatem minuit et contempibilem reddit sicut ignorantia pre-
latorum. Cum olim episcopi abbates ac ceteri prelati et sacerdotes ani-
mum scripturis intenderent: non tam facilis criminibus et peccatis
aditus patebat. Amor etenim ac scientia scripturarum mundum docent
contenere vicia fugere virtutes sacratissimas amare. Quam diu populus
israheliticus permansit in lege domini: nulla prevaluit contra eos pote-
stas inimici. At postquam legis scientiam abiecit: multis aduersitatibus
subditus fuit. Dicit enim scriptura Quoniam non habuerunt sapientiam
perierunt propter suam insipientiam. Hodie quoque sacerdotes ecclesia-
rumque rectores in magno numero sunt: sed pauci eorum legis et scrip-
turas aduertunt. Et quia sicut dominus per prophetam loquitur: sacer

dotes noticiam legis abiecerunt propterea contemptibiles in populo facti sunt. Clamant quippe vel quidē in tribulatione ad dñm / sed nō exaudit eos: quod iam qui auertit aures suas ne audiat legem: oratio eius erit execrabilis. Non ergo mirentur sacerdotes / quod eos cōtemnunt laici / quoniā ipsi spernūt mādata christi. Timeo autē vebementer in breui contra clerū grauiora futura. Sed de his hactenus dictum sit Tu vero non quid alij faciant: sed quid tibi sit faciendū considera. Multi enī ad sacerdotium in ecclesia dei vocati sunt pauci vero electi Sumopere igitur curandum nobis est / vt qui in sorte dñi nascimur etiā eligamur. Quid prodest hic sacerdotio breuissimo tēpore fungi: si separari cōtingat a conspectu dei? Nichil ergo melius q̄ in celestibus desiderium si- gere sacre lectionis studio insistere presentia pro dei amore spernere futura cogitare: Hinc petrus in auroa dicit Nichil homini melius q̄ si diuina legendo figat ibi mentē quo sibi vita venit. Legendis itaq; scripturis continuum studium impendendū est quia lectio alit mentē et fomenta ministrat virtutibus. At ergo precium temporis non amittas sacras legito scripturas scribe libros deuotis orationibus instā suis tēporibus etiam manibus labora. Non erubescas discere quod ignoras: quia tunc alios poteris vtiliter instruere si a doctioribus semper petas informari. Non te pudeat nomen subire discipuli si pertingere cupias ad honorem magisterij. Spiritus etenim sanctus qui docet hominem scientiā humilitatis amator est. Quando sedes ad mensam vt cibum capias: prius sacris litteris insonandum memineris quatenus dum caro pascitur mens suo alimento minime defraudetur. In toletano quippe consilio ita legitur. Pro reuerentia dei et sacerdotū id vniuersa constituit synodus vt quia solent crebro mēsis ociose fabule interponi vt omni sacerdotali conuiuio lectio diuinarū scripturarū misceatur Per hoc enim et anime edificantur ad bonum et fabule non de necessitate prohibentur. Verbum enim dei esca spiritus est: quia non in solo pane viuit homo: sed in omni verbo quod procedit de ore dei. Adari- mam antiqui patres et sacerdotes diligentiam scripturis sanctis impenderunt vt et mentem salubriter pascere et posteritati ad eruditionem vtilia prouiderēt Istorum vestigijs inheramus / vt digni coram deo ministri inuenire mereamur.

De avaricia et cupiditate fugiēda. Capitulum. v.

Quamq; in principio sermonis nostri contra avariciam et cupiditatem disputauerimus certa nibilominus ratiōe ducimur vt et

am in hoc loco de hac ipsa re iterum eloquamur. Nunq̃ enim satis cō-
tra hoc viciū agitur nisi cum funditus extirpat̃. Sciens aut̃ saluator
noster q̃z difficile sit diuitem intrare in regnum dei s̃quentibus se
dixit. Nisi quis renunctiauerit omnibus que possidet non potest me-
us esse discipulus. Hinc sp̃almista nos admonet dicens. Diuitie si
affluant nolite cor apponere. Et apostolus dicit. Habentes victum
z amictū his contēti simus. Quid amplius querim⁹ qui ministri dei
simus. Turpis ē in sacerdote dei cupiditas turpis auaricia z auri cōti-
nua fames dānabilis. Tu ergo frater amātissime si cupis in libertate
sp̃s viuere noli pecunias pituras querere diuitias noli amare. Facta
cogitatum tuum in domino z ipse te enutriet ipse esurientem te pascet
ipse custodiet. Nec volo vt prouidentia domesticam penitus abijcias
sed ne per auariciam excedas. Radix omnium malorum cupiditas est
que hominem non sinit deo in libertate sp̃itus viuere sed mentē sem-
per torquet curis amoris nec permittit eum aliunde q̃z de diuicijs co-
gitare. Mediocritas autē res tutissima est que nec egestate premitur
nec habundantia insuperbiam eleuatur. Videmus inter sacerdotes
dei cultores ydolorum qui pecunijs congregandis semper in vigilant
qui auaricie student qui de eterna vita nihil aut parum cogitant. Vi-
uunt tanq̃z nati sint ad questum pietatem in pauperes longe abijci-
unt nihil aliud q̃z aurū querere z inuenire ꝑcupiscunt. Videres inter
illos quosdam auaros z miseros diuites quibus rerum temporalium
copia z habundantia maxima est sed facultas vtendi acquisitis deest
Omnibus diebus quibus versantur in terra misere viuunt comedere
z bibere pro necessitate corporis non presumunt augere ad aceruū
pecunie semper aliquid concupiscunt. Lucris inuigilant de anima-
rum salute nihil penitus curant. Plus dolent de amisso denario q̃z
si decem ex sibi commissis anime perirent. Sed mirum non est si ali-
enam negligat qui propriam damnat. Quisquis enim cor suum a-
uaricie et cupiditati semel submiserit nunq̃z aut raro liber erit. Sem-
per ad maiora lucra pecuniarum estuat: ad augmentum auri semper
anbelat: tantoq̃z crescit habendi desiderium quanto contigerit creuis-
se nummum. Nam dei uiceps vnum beneficium quantumlibet pingue
non sufficit: pro impetrandis etiam alijs sacerdos auarus discurrit:
per phas nephasq̃z nancisci laborat: quod improbe cōcupiscit. Currit
interea ad sedem apostolicam: petitionis sue narrat causam: que si
cum veritate discutit: falsa protinus inuenitur. Prebendas deinde
vnus homo multas impetrat: curam ouium mercennarijs locat: lac et
lanam de ouibus recipit: sed gregē pascere contemnit. Ne inquit pro-
pheta pastoribus: qui pascūt semetipsos. Putāt se a noxa liberos qui

per dispensationem summi pōtificis multa beneficia obtinent / sed quid
requiratur ad istam impetrationē non pensant. Tu autē sta ⁊ noli trās-
gredi terminos antiquos / quos posuerūt patres tui / sed pone cōcupis-
centie modum ne cadas in peccatū. **U**no beneficio quod tibi pro me-
diocritate tui status sufficit te volo esse contentum ne si plura sine iusta
necessitate susceperis granius coram deo inde iudiceris. **N**oli multi-
tudinem secus agentium in exemplum assumere noli per latam viam
peccantium incedere si ad vitam voles peruenire. **Q**ui altari deseruit
de altari viuat / qui autē pascere oues negligit lanam et lac ab eis qua
temeritate requirit? **I**nstituta sunt ecclesiastica beneficia pro sustenta-
tione eorum qui ea deseruiunt non ad auariciam illorū qui sua querūt
Qui onus portat ⁊ curam dignus est recipere sustentationē. **Q**ui autē
fugit onus sollicitudinis non sine culpa percipit emolumentum lactis.
Si ergo christi oues pascere rennuis: lanam ⁊ lac ab eis nūme quesie-
ris. **N**on enim propter pastore oues sed propter oues pastor cōstitutus
est. **N**eqz cura animarū appetenda est vt habeantur alimēta / sed alimē-
ta potius requirenda sunt vt debita ouibus adhibeatur cura. **S**ed a
multis nunc ordo peruertitur qui prelaturas ⁊ beneficia idcirco appe-
tunt vt in archa pecunias habeant: nō vt animas pro dei amore pascāt
Pastor ⁊ idolum qz misere decipis temetipsum? **C**uras tantū vt co-
medas qui vt curare animas posses comedere debueras. **C**upiditas
radix malorū omnium est: mater transgressionis magistra: nocendi: au-
riga malicie: inuentrix doli: seditionis origo: fouea scandali: promotrix
mendacij. **S**acrilegia cōmittit ⁊ furta predas agit ⁊ incendia: bella ge-
rit ⁊ homicidia. **D**eniqz sola cupiditas est q̄ simoniace homines eme-
re ⁊ vendere docuit inique petit ⁊ recipit / iniuste negociat doli inuit
mendatio ⁊ periurio fouetur **I**psa est que fidem frangit dissoluit pactū
testimonium corrumpit ⁊ violat iuramentū. **C**haritatē quoqz inter de-
um et hominem extinguit cupiditas fraternā dilectionē interrumpit
concordiā turbat infatuat consiliū equitatis peruertit iudiciū destruit
vnitatem. **S**i ergo te dignum deo ministrum exhibere desideras hanc
omnium malorum radicem de corde quantotius euellas. **B**reuis est
omnis terrenarum opum possessio breuis vite mortalis actio instans
quottidie ad mortem humani generis processio **C**ur ergo moraris pro
dei amore contemnere que morte interceptus cogeris in breui vel
inuitus relinquere. **N**on enim habemus hic manentem ciuitatem
sed futuram inquirimus. **U**bi thesaurus tuus est ibi ⁊ cor tuum erit.
Noli perituras mundi diuicias querere / noli cor tuum auaricie vin-
culis obligare. **D**ecet enim sacerdotem christi esse discipulum mitem
et misericordem / qui aliena non cupiat / sed in pauperes sua largiter
distribuat.

De honesta conuersatione sacerdotum exteriori.

Capitulum sextum.

Considera nunc qualem conuersationē tuam debeas instituire: qualemq; te oporteat viuere vt omnipotēti deo cuius minister es in toto corde valeas placere. Quantū vero ad internā conuersationem ptinet: oportet vt mund⁹ et purus in p̄sciētia fulgeas qui corā dño ministras. Dicit enī ad sacerdotes propheta dñi. Sanctificamini qui fertis vasa dñi. Et dñs dicit. Lauamini mūdī estote: auferte malū cogitationum vestrarū ab oculis meis quiescite peruerse agere discite benefacere/ dicit dñs omnipotēs. Quantū vero ad exteriorē hominē pertinet apostolus episcopū instruens dicit. Oportet episcopū irreprehensibilem esse sobriū pudicū: benignū ornatū moribus hospitalē docibilem. Quidquid aut episcopo in hoc loco precipit: etiā ceteris prelati et presbiteris mandat. Et primū quidē cū dicit eum oportere esse irreprehensibilem ab hominibus vicijs et diffamationib⁹ populi pronūciat imunem. Vita quippe sacerdotis populo in exemplū proponitur que lucerne cōparatur vt quēadmodū lux luceat in tenebris ita cōuersatio presbiteri fulgeat in turbis. Dicit enī in euāgelio dñs. Sic lux vestra corā hominibus luceat: vt videant opera vestra bona: et glorificent patrē vestrū qui in celis est. Tunc aut sacerdos digne deo ambulat quādo vitam suam bonis et sanctis operibus quottidie exornat: et membra sua que sunt super terram pro xpī amore mortificat. Seruus namq; dñi est hocq; potissimū ab eo exigit vt voluntatē dei verbis et factis operet. Nemo aut voluntatē dei perficit/ nisi qui vicijs expulsis cor suum habitaculū virtutum facit. Caue ne sponsam xpī ecclesie per vite turpitudinē macules/ caue ne per malū exemplū aliquē scādalisēs quia quotquot tuo vicio in peccatū duxeris: pro tot in supplicio cruciaberis. Rarus videaris in publico: in domo assuesce p̄sistere et lectionibus vacare. Esto mēte et corpore quietus noli per vicos et vicinorum domos discurrere noli fabulis rusticorū interesse. Adinuit enim p̄sentia famam/ et parit in populo nimia sacerdotis familiaritas p̄temptum. Rarus aut egressus in publicū magnā tibi in plebe reuerentiā maturitatis exhibebit. Ita viue/ vt exēplo tuo edificent multi. In medio seniorum pauca loquaris/ quia loquacitas sepe reprehendit vbi taciturnitas laudat: Eniuero inter senes iuuenē audire decet: nō loqui. Non appetas in sacerdotū collegio videri sapiens ne corā eis velut insipies confundaris. Non sis verbosus et arrogās/ responde cū humilitate et beniuolentia interrogatus/ et ne fueris more rabidorū dum loqueris in voce clamosus. Risum excussum nō diligas/ et ab omni leuitate in bo-

neſta te ſemper ⁊ ubiqꝫ ſerues. Inutiles ſermones ⁊ vana verba de-
uita ſciens de omni verbo ocioſo quod locutus fueris/deo te rationem
fore redditurū. Sit ſermo tuus moderatus ⁊ parcus longe deſit omne
mendaciū ⁊ ne fruſtra fiat iuramentū. Noli tabernas cū ruſticis in-
gredi/quia id tue non licet honeſtati. Valde namqꝫ in congruū eſt/vt
is qui peccatores debet arguere per ſuam preſentiā peccatis ſe patro-
num velit exhibere. A ſanctis enim patribus / ingreſſus tabernarū
ſacerdotibus interdicit niſi in itinere ꝑſtituantur. Ignominioſum eſt
ſacerdotē dei cum ruſticis tabernā ingredi/et os quod deo conſecratū
eſt/impuris locutionibus ſedari. Facile predicātis ſermo contemnit
ſi inter ruſticos familiariter ꝑuerſatur. Incipient te ⁊ cōſuetudine fa-
miliaritatis contēnere/et quaſi ex ſuis vnum eſtimare. Nulla enim re-
uerentia maioribus impendit ſi inter ſubditos eorum vita anguſtetur
oportet eum qui preſidet/quadā reuerentia maturitatis omnis ex-
cellere ⁊ nimiam ſubditorū familiaritatē ſapiēter declinare. Eniuero au-
ctoritatis preminetia frangitur dum ſubiectorꝝ actibus indiſcrete cō-
miſcetur. Nulli detrahas/ne aduerſus aliquē ſcandalū ſumas. Turpe
eſt ſacerdoti linguam ſuam detractatione polluere/que in altari ꝑſtituta
eſt pro omnibus orare. Neqꝫ autē prebeas detractoribus quia detra-
ctor ⁊ libens auditor/pari cōdemnatione digni ſunt. Alter enim dia-
bolum portat in lingua: alter in aure. Diſcat qui huiusmodi eſt nō faci-
le detrabere/cum te viderit inuitum audire. Non ſis citus in lingua ⁊
in conſortio detractorꝝ ne ſteteris/quia omnipotēti deo odibiles ſunt.
Sepi aures tuas ſpinis ne audias verba detractorꝝ. Nullus ex ore tuo
mendaciū prodeſt non ſed eſto cuſtos lingue tue ne offendas in ſermo-
ne. Non ſis accidioſus ⁊ piger neqꝫ ſomno et inertie dedit⁹ /ſed in fer-
uore ſancti ſpiritus iugiter accēſus. Frugalitatē hoſpitalitatis nō ne-
gligas pauperibus ⁊ peregrinis qua potes ſedulitate miſericorditer
occurras ſciens hoc ſacerdotis eſſe propriū/vt curā gerat egenorꝝ. Au-
rum habeto non vt ſerues/ſed vt in elemoſinā pauperum eroges. Lau-
dent te pauperū eſurientiū viſcera/non diuitū ructuantū cōuiuia. Sit
menſa tua cum pauperibus ⁊ egenis quia in talibus xꝑs ſuſcipitur / et
curia celeſtis honorať. Conuiuia diuitū ſuperborꝝ maxime potentium
deuita/in quibus de animarū ſalute nichil agit de ſpirituāli cōuerſati-
one nichil penitus tractatur. Veſtitus tuus ſit honeſtus / non tamen
precioſus. In faciendis elemoſinis noli ab hominibus gloriā querere/
ſed a ſolo deo laudem ⁊ mercedē expectare. Eſto pater pauperū/et tu-
tor orphanorum. Inconſolatus a te pauper nullus abſcedat. Non ſis
percuſſor neqꝫ rixoſus in populo/neminē iniurioſe ledas/ſed omnibus
quantū preuales benefacito etiam/inimicis. Ne peccatores vnqꝫ lacta-
ueris/ſed increpa tanqꝫ auctoritatē a deo cōſecutus. Non ſis percuſſor

conscientiarum plebis tibi cōmisse neq3 verbū dei indiscrete proferas
sed cum moderamine pietatis. Penitentib⁹ esto misericors ⁊ calamū
quassatū noli cōterere sciens q̄ infirmoz curam susceperis non fortitū
Melius est enim penitentē cum pietate ad purgatoritū mittere / quam
austeritatē confessoris desperantē ad infernum destinare. Horas tuas
canonicas cum reuerentia ⁊ deuotione / cōstitutis ab ecclesia tēporibus
orare non negligas. Horas quoq3 beate marie virginis. Vigiliis de-
functorum cū ceteris ex ordine sacerdotali debitis / legere nō obmittas
Domus tue curam habe / cū timore dei familiam si habueris modesti-
am ⁊ honestatem seruare verbo persuade et exemplo. Eniūero sacerdo-
tis opinionē ledit in plebe / quādo de domesticis eius male loquit po-
pulus. Sermo tuus testimonio roborē scripturarum quia quidquid
preter scripturas sanctas precipit / eadem facilitate ꝓtemnitur qua ꝓ-
batur. Nolite imitari eos qui sine eruditione in ecclesia predicant / qui
famulas ⁊ somniorū fantasinata crebro allegant: ⁊ misteria diuinarum
scripturarū ignorant. Rabuli garruliq3 sacerdotes sine ratione loquē-
tes: populum nō edificant: sed vanis sermonibus ac fabulis esopianis
in admirationem sui trahere laborant. Stulta enim et dampnabilis
abusio est obmissis scripturis ⁊ euangelio: populū christianū esopi fa-
bulas docere: ⁊ gesta cōficta romanorū. Nec mireris: si populus impe-
ritus ista libentius audit q̄ scripturas: cum hoc legas predixisse apo-
stolum. Erit inquit tempus: cum sanam doctrinā nō sustinebāt: sed ad
sua desideria coaceruabūt sibi magistros prurientes auribus: ⁊ a veri-
tate quidem auditum auertēt: ad fabulas aut conuertent. Hinc hie-
ronimus ait. Voluere verba ⁊ celeritate dicendi apud imperitum vulg⁹
admirationem sui facere: indoctorū hominum est. Attrita frons inter-
pretatur sepe quod nescit ⁊ cum alijs suaserit sibi quoq3 vsurpat scien-
tiam: quā non habet. Nihil tam facile q̄ vilem plebeculam ⁊ indoctā
contionē: lingue volubilitate decipere: que quicquid nō intelligit plus
admiratur. Tu autē loquere que decēt sanam doctrinā: ⁊ imperitorum
applausum noli querere si locum inter doctos cupis inuenire. Curam
animarum imprudenter noli concupiscere / nisi prius ⁊ te et alios secun-
dum ecclesiasticam sanctionē iuste didiceris gubernare. Magisteriū
etenim populi multis periculis subiicit ⁊ quotidianis angustijs tribu-
latur. Oportet enim rectorē animarū sine crimine esse: sicut dei dispē-
satozem non superbū: non iracundū: non vinolentū: non percussorem
non turpis lucri cupidū: sed hospitale benignū: sobriū: iustum: san-
ctum continentē: amplectentē eum qui secundū doctrinā est fidelē ser-
monem vt potens sit exhortari in doctrina sana et eos qui contradicūt
arguere. Oportet eum qui rector animarum constitutus est non min⁹
exemplo docere q̄ sermone. Accusare quidē auariciam et latro potest:

emendare vero non nisi qui facit quidē docet. Delicatus magister est
qui pleno ventre de ieiunio disputat. Prius ergo vita requirenda est
q̄ doctrina: quia plenius opere docetur q̄ sermone. Excellentissimum
nanq̄ docendi genus est demonstratio exempli. Et dñs quidem iesus
prius fecit postea docuit. Maxima enim auctoritate in docēdo vtitur
cuius sermo attestatiōe operis comprobatur. Facile a subditis sermo
reitoris perficitur si morum honestate fulciat. Qui autē bene docens
male viuit: proprii se oris sentētia perimit: et a mala institutione subie-
ctos non cōuertit. Simul attende q̄ periculosa sit cura animarū maxi-
me his tēporibus quando ubiq̄ habundat iniquitas et charitas mul-
torum refriguit. Dies enī mali sunt: et homines peruersi: ad iusticiā
tardi: totusq̄ mundus in maligno positus: et rara fides in terra. Inter
hec verbum dei a populo despicitur christiane religionis institutio ne-
gligitur auctoritas sacerdotalis contemnitur. Vita laicalis multis
peccatis et sceleribus obnoxia penitētie remedia negligit: dolis et frau-
dibus intendit: monita sacerdotū contemnit. Et nisi rector animarum
populo sibi commissio scelera eorū: et debitas peccatoribus penas sollici-
te annunciauerit: coram deo etiā sanguinis eorū reus erit. Et post hec
adducet deus cuncta in iudicium vbi pastor animarū pro singulis ra-
tionē reddere cogitur et si negligens in hoc mūdo extitit: grauius dam-
natur. Tutius est ergo curam et regimē animarum humiliter fugere:
q̄ arroganter vsurpare. Si enim vnusquisq̄ in illo tremendo iudicio
rationem de sua vita reddere vix sufficit quoniā pro tot milibus sibi cō-
missis respondebit. Quam bene viuit: qui sibi viuit. Bonū iocun-
dumq̄ videtur apud homines: episcopum abbatē pastorem vel quē-
libet prelatum in hoc seculo viuere: sed q̄ terribilis sit exitus negligē-
tis quis sufficit cogitare? Etenim iudiciū durissimum fiet in eos qui
presunt et potentes potenter tormenta patient. Bene trāsit qui simpli-
citer viuit cui nihil terreni honoris cōmittitur cui animarū cura nulla
commendat. Cura etenim pastoralis nunq̄ est sine periculo: q̄ diu vi-
uit in hoc mundo. Omniū quoq̄ periculorū maximum est cum sepe-
rata per mortem a corpore anima summo pastori deo pastor terrenus ad
rationem ponendā fuerit presentandus. Hic iam articulus vltime dā-
nationis imminet vbi ratio villicationis male dispensate exigit et sang-
uis ouium multarum de vnius pastoris manu requirit. Quid tūc pa-
stor imperitus respondere ad obiecta poterit: qui in cura ouium negli-
gens fuit? Obmutescat necesse est: quia quod respondeat non habet.
Si ergo frater ad curam animarū te idoneum existimas: si ecclesiam.
Adernicensem regere paras: scito te pro his adducendū in iudicium et
pro vite merito gloriam suscepturum vel tormentum. Sed crede mibi

securus moritur qui obmissis aliorum curis: sibi soli in dei timore con-
uersatur. Cui enim multum committitur: etiam multum ab eo exigitur.
Sacerdos maxime curam habens animarum: dei prece est ut populo vo-
luntatem omnipotentis nuntiet: et peccantes in lege domini per in-
crepationis verba curet. **O**portet ergo ut doctus et constantissimus
sit: ne aut per ignorantiam defluat: aut per inconstantiam odia peruerso-
rum pertimescat. Turpe est enim propter metum populi tacere sermo-
nes dei. **N**odico vino sacerdoti utendum est ne si potationibus vacat
opprobrium in populo fiat. **V**inolentos enim sacerdotes et apostolos
damnat: et ab accessu altaris vetus lex prohibet. In agathensi quoque
consilio ita legitur. Ante omnia a clericis vitetur ebrietas: que omni-
um vicio-
rum fomes ac nutritrix est. Itaque cum quem ebriosum fuisse constite-
rit ut ordo patitur aut triginta dierum spacio a comunione submoueat/
aut corporali subdatur supplicio. Luxuriosa enim res est vinum et con-
tumeliosa ebrietas omnis qui miscetur his non erit sapiens. Qui abs-
que vino ardet ardore adolescentie: et inflammatur calore sanguinis: valido
est corpore vinum et venenum fugiat: ne multiplici incendio suffocatus in
scenum luxurie cadat. Stomachus vino effluens libidine concitat: sen-
sum ebetat: caput totum et corpus debilitat. **P**rouerbio quoque dicitur
Linguis venter gignit sensum tenuem. Cum ergo ad conuiuia sacer-
dotum vocatus accedis: non obliuiscaris honestatis clericalis: sed mo-
destum et continentem te in omnibus exhibeas: et caue ne aut linguam
aut aures habeas prurientes: id est ne aut ipse detrahas: aut detrahentibus
auditum accomodes. Scito quia cuncta que de alijs loqueris:
in temetipsum retorquenda sunt: et in his ipsis forte deprehendendus eris
que in alijs arguebas. Sed forsitan dices: referentibus iniuriam face-
re non possum: quia inuicem nititur quisquis omnium obstruere labia
meditatur. Quid ergo aliorum detractio ad me. **N**unquid ego probi-
bere homines possum ne loquantur? Sed quemadmodum superius
diximus ita te coram detractore exhibeas: ut discat nulli detrahere: cum
te viderit non libenter audire que loquar. Cum detractoribus ait. Sa-
lomon ne commiscearis: quoniam repente veniet perditio eorum. Et rui-
nam utriusque quis nouit? Tam illius videlicet qui detrahit: quam eius qui
aurem accomodat detrahenti. **E**sto moribus et conuersatione maturus
verbis rarus et prouidus: silentio et taciturnitate discretus. In perscu-
tandis misteriis scripturarum sedulus esto: et si quid dubietatis tibi
legenti occurrerit ad interpretationes seniorum noueris referendum. **H**a-
bes in vicino antiquissime urbis. Treuerorum gymnasium: in quo co-
pia doctorum est ad quos in questionum ambiguitate poteris habere
recursum. **N**ecque aurum tibi charius sit quam scientia quia sapientie fru-
ctus eternus est: usus vero diuitiarum breuis et momentaneus. **N**emo

fit qui salutare studium prohibeat non mater: non frater: non cognatus
non soror: tu fac opus euangeliste: discere quod doceas/ ne pastor: et idolum
eristas. **A**nus es: et secundum non habes: cui ergo diuitias thesauri-
sares? **A**ine temperate nuptias et conuiuia imoderata ne visites quia
et mentem virtutibus eruant: et bursam nummis vacuum reddunt. **C**on-
para tibi de oblatis elemosinis diuine scripture codices/ quarum assidu-
a lectione doctus populum commissum digne possis instruere/ et tenet
ipsum per contemplationem ad celestia eleuare. **A**ma scientiam scriptu-
rarum: et coram deo et hominibus exaltabit te. **N**oli consentire volup-
tatibus carnis impetum furoris reprime: et mortis ne unquam obliuiscaris

Qualis debeat esse sacerdos in conuersa- tione interna.

Capitulum septimum.


Quoniam vero non sufficit ministro christi honestam coram ho-
minibus conuersationem ducere nisi coram deo ab omni scelere
mundus studeat apparere/ exhortor te ut cor tuum in timore omnipo-
tentis dirigas/ et nullas unquam contra deum cogitationes admittas. **O**por-
tet enim sacerdotem dei sanctum esse mente et corpore et mundum in cogi-
tationibus. **H**inc dominus dicit. Sancti estote quoniam ego sanctus
sum dominus deus vester: qui sanctifico vos. Et petrus archiepiscopus di-
cit. Vos genus electum regale sacerdotum gens sancta populus acqui-
sitionis ut virtutes eius annuntietis/ qui de tenebris vos vocauit in
admirabile lumen suum. **P**rimum in corde tuo locum charitas obtineat
que plenitudo legis est/ consummatio prophetarum. **O**mnium enim virtutum
maxima est charitas/ que in dilectione dei et proximi consistit. **D**eus
autem ex toto corde propter se diligendus est/ et proximus propter deum.
Nemo autem veraciter deum diligit/ si in fide proximum odit. **C**hristus enim
deus et homo est. **T**otum ergo christum non diligit/ qui hominem odit.
Nullum opus bonum deus accipit/ nisi quod flamma charitatis in ara
cordis accendit. **C**haritas enim virtutum omnium obtinet principatum. **H**anc
humilitas sequitur que virtutum custos memoratur. **H**uius tanta est eminē-
tia virtutis/ ut omnis alia cito pereat nisi humilitatis fundamento ro-
borerur. **D**icit enim sanctus papa gregorius. **Q**ui sine humilitate virtutes
agregat/ quasi puluerem in ventum portat. **A**nde enim ferre aliquid cernit:
inde grauius cecidit. **M**aximum ergo sacerdotis ornamentum charitas est
et preciosissima in veste illius margarita humilitas. **T**u quoque frater
has geminas in te virtutes experire et fructuosus in ecclesia dei predica-
tor eris. **Q**uidquid dixeris facile persuadebis auditoribus si charita-
tem et humilitatem habeas in corde: seduloque demostres in opere.


non habeat in corde tuo maledicta ambitio: que adeo mentē semel quā
inuaserit excecet ut dei salutisq; proprie obliuionem inducat. Esto chri/
stianus amator hominū et hostis viciōrū. Serua mandata dei et eccle/
siasticas sanctiones noli negligere. Honora omnes homines propter
deum et neminem vnq; dixeris contemnendū. Quod tibi fieri nō vis:
alteri ne feceris. Sol non occidat super iracundiā tuam. Diuitiū adu/
lationes fugito et peccatores ne aliquando iactaueris. Abnega temet/
ipsum desiderijs tuis: ut discipul⁹ christi efficiaris. Castiga corpus tu/
um iuxta apostolum in seruitutē redigens delicias sperne castum ama
ieiunium. Pius esto in pauperes: esurientem ciba: nudum vesti: infir/
mum visita captiuum libera: consolare tristem: sepeli mortuum. Adun/
dum noli diligere: diuitias noli querere post vanitatem noli currere.
Nemo enim militans deo: negocijs secularibus se implicat. Nemini
feceris iniuriam sed disce patienter ferre illatam: exemplo domini tui:
qui pendens in cruce pro persecutoribus suis exorauit: ut non perirent.
Pacem cum omnibus hominibus habeas concordiam et vnanimi/
tatem dumtaxat cū deuotis. Non sis superbus et arrogans: nō somno/
lentus et piger non vinolentus et multum edax nō obloquutor: et teme/
rarie quemq; iudicans. Custodi actus tuos omni hora et memoria fu/
tutorum in cogitatione tua semper versetur. Dicit enī scriptura. Sili
memorare nouissima tua et in eternū non peccabis. Semper itaq; mo/
riturum te cogita: diem iudicij time: inferni tormenta expansece. Si
hec feceris omnis tentationes carnis facile superabis. Sperne vo/
luptates mundi ut ad superne felicitatis gaudia valeas introire gau/
dens. Noli decipere animā tuam nemo potest hic gaudere cū mundo et
postea regnare cum christo. Per multas etenim tribulationes opor/
tet nos intrare in regnum dei. Spretis itaq; presentibus omni deside/
rio ad eterna gaudia festinemus. Omni custodia serua cor tuum quo/
niam ex ipso vita procedit. Si aliquo delicto preoccupatus fueris: non
tardes penitentiae remedia querere: et per veram contritiōē te in con/
fessione expurgare. Contende per angustam viam ad vitam ingredi:
hoc est carnis desideria non perficere: mundum odire spiritu viuere.
Ad militandū deo contra vicia carnis vocatus es: noli ante victoriam
quiescere: noli a pugna desistere quia nemo coronabitur nisi victor. In
hac autem vita non est certa victoria: sed continua pugna. Qui perse/
uerauerit vsq; in finem saluus erit. In fine suo: comprobabit vir. Adi/
litia est vita hominis super terram: Miles enim summi regis es non
licet tibi agonem illius deserere. Bonus miles regem suum quocūq;
ierit sequitur. Abi ergo est rex tuus? In celo. Cur illum non sequeris?
Quid facis in terra: si miles es regis signi celestis? Quare dominū


tuum non sequeris? Ipse enim dicit. Qui mihi ministrat me sequatur
et ubi sum ego/ illic et minister meus erit: Sequatur inquit non gressi-
bus pedum: sed passibus affectionum. Apostolus quoque dicit. In reno-
milans deo implicat se negocijs secularibus ut ei placeat cui se pro-
bavit. Sicut ergo qui militat regi terreno omnibus iussis eius obe-
diunt et quocumque mittunt parati et prompti sunt: nulla se uxoris vel libe-
rorum gratia excusantes: ita militem christi mandatis eius in omnibus
oportet obedire/ et in nullo penitus se excusare. Tu ergo qui coronam im-
marcessibilem victoriae expectas: labora sicut bonus miles in ihesu christi
nulla terrene sollicitudinis cura te aggrauet: nulla carnee voluptatis
mentem illecebra tangat. Nihil enim christi milite felicius: cui promit-
tuntur regna celorum nihil laboriosius qui quotidie de vita pericli-
tatur nihil fortius qui vincit diabolus: nihil imbecillius qui carne su-
peratur. Non te domus auocet: non parentela impediatur: non caro co-
stringat. Volo te sine sollicitudine esse: ut libere cogites que dei sunt.
Nudus et expeditus ad celum vola: quia nudum te mater genuit nudum
terra suscipiet. Ama quod non perdas: contemne quod tenere non pre-
uales quere quo in eternum feliciter gaudeas. Ita vive ut mori non time-
as. Bona conscientia mortem non metuit: quia per illam se ad eterna
celestis patrie gaudia venturam esse cognoscit. Habes nunc amantis-
sime frater quod a me postulasti: habes aliqualem bone conversationis
formulam cui imprimaris: habes sancte exhortationis normam ad quam
sedulo possis habere recursum. Feci quod potui: non quantum volui.
De reliquo vive secundum euangelium et constitutiones sanctorum pa-
trum: in quibus omnis perfectionis christiane forma conspicitur. Vale
memor nostri Ex Spanhem kalendis Aprilis. Anno domini. MD. cccc. lxxvi.


Explicit libellus domini Johannis Tritemij abbatis
Spanhemensis de vita sacerdotum. In crastino sancti
Augustini Episcopi. Anno domini. MD. ccccc. iij.

\$7.50









1820058

